

CONSIGLIERI

quarantia criminal, tre di loro, mesi 4, prima che entrino di sora, o dopoi, secondo come occorre il bisogno. Questi hanno ducati sie al mese da li camerlengi, et non più; hanno le vose a la banca, et, senza al meno 4 di questi, el prencipe non puol aldir ni deliberar alcuna cossa, et far scriver alcuna letera publica, se 4 consieri non sottoscrive di sua man. Le qual letere et termination, parendo a li avogadori di comun, o tutti o uno, le puol intrometter ditte opinion, et menar a li consigli, et quelle taiar, et metterli pena, si tolgano zoso; *tamen*, fina che le non son taiade, si hanno per leze, et contradir non si puol. Questi consieri, in cosse di stado criminal, puol metter parte in ogni conseio. Nè conseio di X, nè pregadi, nè gran conseio, nè collegio si puol far, si almeno non sono 4 consieri; i quali 4, *licet* non fusse el principe, perhò che il più vechio è vice dose, puol far redur ogni conseio et far il tutto *etc*. Puoleno esser eletti in ogni rezimento dl fuora di la terra, procurator de San Marco, capetanio zeneral di mar et provedadori in armada; et poi, rimasti, convien risponder di accettar o reffudar, in termene